



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

Odluka
o davanju saglasnosti gradonačelniku Grada Sarajeva za poklanjanje sistema naplate
ulaznica Historijskom muzeju BiH, u okviru projekta „IVA”,
finansiranog iz UNESCO fonda
(Prijedlog)

Predlagač: Gradonačelnik
Obradivač: Gradska služba za održivi razvoj

Sarajevo, januar 2025. godine

Adresa: Hamdije Kreševljakovića 3
71 000 Sarajevo
Tel.: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



Na osnovu člana 31. stav (1) tačka k) i tačka v) Statuta Grada Sarajeva („Službene novine Kantona Sarajevo“, broj: 7/23), Gradsko vijeće Grada Sarajeva na __. sjednici održanoj dana __. __. 2025. godine, donijelo je:

(Prijedlog)

**Odluku
o davanju saglasnosti gradonačelniku Grada Sarajeva za poklanjanje sistema naplate
ulaznica Historijskom muzeju BiH, u okviru projekta „IVA“,
finansiranog iz UNESCO fonda**

Član 1.

Ovom Odlukom daje se saglasnost gradonačelniku Grada Sarajeva za poklanjanje sistema naplate ulaznica Historijskom muzeju BiH, nabavljenog u okviru projekta „IVA“, finansiranog iz UNESCO fonda, u ukupnom iznosu od 2.495,03 KM.

Član 2.

Sistem naplate ulaznica iz člana 1. ove odluke koji se poklanja Historijskom muzeju BiH čine jedan (1) printer, jedan (1) program za izradu, štampu i evidenciju ulaznica i mobilni terminal, te četiri (4) etikete termo kartonske.

Član 3.

Gradsko vijeće Grada Sarajeva daje ovlaštenje gradonačelniku Grada Sarajeva da u ime i za račun Grada Sarajeva sa subjektom iz člana 1. ove odluke zaključi ugovor o poklonu.

Član 4.

Ova odluka stupa na snagu narednog dana od dana objavljivanja u „Službenim novinama Kantona Sarajevo“.

PREDSJEDAVAJUĆI GRADSKOG VIJEĆA

Jasmin Ademović

**Broj:
Sarajevo, __. __. 2025. godine**

OBRAZLOŽENJE

PRAVNI OSNOV

Pravni osnov za donošenje Odluke sadržan je u članu 31. stav (1) tačka k) i tačka v) Statuta Grada Sarajeva kojima je propisano da Gradsko vijeće upravlja i raspolaže imovinom Grada Sarajeva, te donosi odluke o davanju saglasnosti.

RAZLOZI DONOŠENJA

Projekat „IVA – Inkluzivnost i vidljivost za održivi kulturni razvoj” finansiran je iz fondova tematskog prozora „Zaštita i osnaživanje kulturne baštine za održivi razvoj“ – UNESCO, u okviru poziva za prijedloge „Kultura i kreativnost za zapadni Balkan“ (CC4WBs). Ovo je prekogranični projekat sa Crnom Gorom, a partneri na projektu su Muzej književnosti i pozorišne umjetnosti BiH, Historijski muzej BiH, JU Gradski muzeji Sarajevo, te Grad Podgorica, kao i Muzeji i galerije Podgorice.

Projekat predviđa institucionalno umrežavanje za inkluziju kulturno-historijskog naslijeđa Bosne i Hercegovine i Crne Gore, aktivnosti kroz edukaciju i opremanje spomenutih muzeja, te dizajniranje inovativnih muzejskih suvenira i opremanje prostora za prodaju istih.

Ukupna vrijednost projekta je 94,854.00 EUR/185.518,30 KM, od čega je za aktivnosti Grada Sarajeva kao vodećeg partnera planirano blizu 110.000 KM. Trajanje projekta je predviđeno do kraja juna 2025. godine.

Jedna od aktivnosti na projektu je i nabavka sistema naplate ulaznica za potrebe Historijskog muzeja BiH, u ukupnom predviđenom iznosu od 2.495,03 KM.

Tehničku opremu koja se poklanja Historijskom muzeju BiH čine:

- Zebra Thermal Transfer Printer (74/300M) ZD421; 230 dpi, USB Host, Modular connectivity Slot, BTLE5, EU and UK Cords, Swiss Font, EPZL;
- Program TICKET Manager v2.10 za izradu, štampu i evidenciju ulaznica licenca za PC i 1 mobilni terminal;
- Etiketa termo kartonska kontinuirana 136gr 50mmx40m (četiri komada).

Kako se radi o stalnim sredstvima Grada Sarajeva, potrebna je saglasnost Gradskog vijeća Grada Sarajeva za poklanjanje sistema naplate ulaznica Historijskom muzeju BiH, a u skladu sa projektnom aplikacijom i dinamikom projekta.

FINANSIJSKA SREDSTVA

Finansijska sredstva za realizaciju ove odluke nisu potrebna.